

光緒香山縣志

香山縣志卷十五

列傳

黃瓊

高郵縣何世高馬凌漢何大瀛劉配章何維城鄭元府程定高曾孫有庸

周伯超

任彭年

何錫光

弟旦光

麥經

何應魁

何逢泰

何毅武

董耆

陳經文

梁尙舉

黃鳳起

李紳

劉溶

鄭廷楷

麥興仁

何瑞榴

父大濟

鄭世連

何天華

何元珮

何世佐

黃琮

周延安

兄作新

鄭如松

李琨

子允中

劉董正

何朝福

吳麗

李廷獻

何朝佐

子自勤自蕃

黃世榮 林明元 黃世榮

郭進財

劉光祿

黃培芳

黃芝 兄幹謙

劉嘉謨 子聯芳

唐士鯤

黃朝輔

何瑞齡

楊大魁 父兆麟

朱潮

楊鍾麟

沈志亮 郭金堂

吳曰枚

吳天炳

蕭鵬 高戴聖

陳大 林三 順林廣

程以誠 譚會海

余世爵 子集榮

譚虹岡

楊登封 從子大登

黃河瑞

吳啟苞

李如璠

梁處光 弟賜光

鄭施 鄭德

麥煜 何逢清

程大用 子佩翔

鄭廷棣 兄廷松

蔡開輝

潘慶

曾望顏

林德泉

袁世昌

林謙

鄭達鴻

劉鏡清

楊維岳

何言配

子紹元

何永清

何獻清

劉昌桂

子雨源

張鳳儀

子文鼎

楊雄超

梁童子

劉壽昌

楊雲驤

劉元貞

黃毓俊

劉福疇

何贊清

何曰愈

鄭迺康

何展鵬

陳子清

梁武章

黃瓊字捷彩塔園人幼力農中年衣食粗足始祖未有祀產
捐田爲歲祭貲鄉鄰困乏輒借貸不取償嘗誡子孫財貴善
於用蓄而不發與無何異人須去一吝字但不可非道揮霍
耳瓊歿後乾隆戊寅機其妻伍氏出粟賑濟知縣彭科旌其
門曰義比丈夫乾隆丙午及嘉慶丙寅兩遭凶歉其曾孫某
復出粟分賑邑宰彭昭麟扁曰惠調鄉黨一門好義聞者欽

焉康熙丁丑歲饑隆都人高嗣輝助賑知府以惠及一方表其門當乾隆丙午小攬鄉有何世甯者賑米數百石貧無告者月再給米行之數十年知縣吳光祖表其門曰好義可風又有馮淩漢者亦捐米百石助賑厥後有何大福者嘉慶九年十一年歲存饑隨時捐賑存沽甚眾大吏旌曰樂施衛里曰誼敦桑梓道光間大黃圃鄉劉配章際歲饑捐粟倡賑邑宰旌曰好義可風其時復有何維城鄭元爵皆以捐賑聞維城曰吾自七世祖圖源公至先考歷代賑饑不可自吾身而替元爵捐穀百餘石以贍親屬曰施由親始未敢遽爲黔敖粥也維城小攬人元爵蓮塘人又程定高者享美人歲饑必出粟賑於鄉邑宰旌其門曰心存普濟曾孫有庸有祖風稱貸者不能償輒焚其券

採訪冊

周尙超三寇鄉人業農有同姓者鬻子償債尙超代償之育爲己子授室後折田數畝俾歸奉先祀嘉慶初天地會匪起日登門索金幣尙超謝曰國家待吾民不薄如若所爲何以質天地其人感愧去有欲從賊免禍者尙超斥之遂避居小欖卒免於難

伍彭年字錫齡大欖人少聰慧能文嘉慶丙申舉人次年成進士授江西興國知縣以教化導民嘗曰撫字心勞催科政拙陽城兩言吾當書紳矣縣糧多積欠彭年又緩於追呼遂以虧帑罷歸主豐山書院講席歲暮歸有客以訟事叩其門曰制府李公先生同年也願以千金爲壽求謁制府庇之彭年正色曰吾無事不謁大吏且李公正人烏可干以私客慙而退

何錫光字純熙小欖人副貢生充白旗官學教習嘉慶戊辰
恩科順天舉人授江西萍鄉縣知縣歷署玉山安義
永新三縣事及吉安府蓮花廳同知以廉能稱玉山與浙江
常山縣接界路崎嶇錫光移常山令各捐資修之路遂平土
人勒碑頌其德任永新時捐銀二千兩賑饑及致仕歸宦囊
如洗弟旦光字晨晃性孝友撫兄弟之孤如己子親戚之貧
者助之遇水災乘小艇載薪米計口給予叔貧無後旦光爲
擇繼婚娶甥孤且貧教養之成人與李青選李冠章等倡建
公善社及義塚不避勞苦岡尾海洲械鬪命案疊疊旦光與
青選力爲勸和存活甚眾

麥延字亮彰小欖人由廩生中嘉慶庚午舉人挑授潮陽訓
導行香至真君廟見案施劍三人坐其上延怒斥其妄拔劍

將斫之其人思供爲廟祝所使遂逐之去經課士以力行爲本學政李棠階按臨潮州諭各屬以經所撰教條爲法丁未十一月卒於官樞返大雨請生泣送者三百餘人

何應魁字振沖小欖人諸生援例授詹事府主簿學習勤慎堂官戴聯奎那彥成際器重之送寶錄館分校不就旋以祖母年八十告終養歸嘉慶丙寅海寇郭婆帶滋擾應魁捐金五百爲鄉里倡設公約分置巡船卡口建碉臺督勇晝夜堵禦與縣令彭照麟謀捕土賊以絕內應賊至不得逞捐資者以賊勢稍緩多懷觀望應魁代墊數千金晚年尤好施每饑輒出穀米助賑鄉遭火災施棺瘞其死者

何逢泰字振紀小欖人廩膳生官萬州學正州有武生曾姓家素豐爲盜誣逢泰袖諸生保帖入州署剖其寃又有蕭生

者爲叔所控逢泰勸解之叔姪感泣好如初嘉慶庚辰陞河南葉縣知縣葉地當衝衢差使絡繹且地瘠民刁素稱難治水災漂沒田廬逢泰捐廉撫綏復稟請賑恤民賴以安葉有紅鬚子者聚眾劫掠逢泰擒其渠魁十七人餘黨悉散尋引疾歸年六十八卒

何毅武字純修小欖人由監生捐從九品年十二喪父事母以孝聞有幹濟才年四十族人勸之仕以母老辭小欖四面環海地廣人稀鄉人舉毅武治鄉約事嘉慶己巳海賊郭婆帶等率賊船數十泊寨前海人心洶洶毅武倡捐團練日夜堵禦預稟大吏鑄礮礮成而賊至六月晦賊萬餘蜂擁登岸鄉人懼毅武呼曰成敗在此舉矣眾咸奮殺賊數十賊敗走鄉勇死者七人傷數人毅武醫傷者厚恤死者家建義勇祠

祀之庚午歲饑穀武賑米百餘石道光壬午教鄉人買米做
平糴法是歲饑而不害有質庫火無賴子借端攘竊事主以
奪控拘數人於獄穀武白其冤罪得輕減其保全鄉曲如此
縣令褒以額曰持正急公

董耆字文清小槿人家貧而好善少習武藝勇力過人嘉慶
己巳海賊張保所在焚劫鄉人拒之戰於村南耆陷銳摧堅
爲鄉閭保障鄉黨義之酬以海心沙田五畝爲養老計

陳經文字彥琛小黃圃人閒居輒與人言孝弟而躬行尤力
有於其藏書中偶得文稿讀之則兄疾時以身代籲天者而
人莫之知云

俱同上

梁尙舉字仞千唐家鄉人少孤母唐氏鬻田資就外傳性故
曾及聽師講論語至學知困知數言遂發憤不少輟年二十

六補邑諸生三十九中嘉慶戊寅舉人三應禮部試不遇則授徒養母不復出母嘗傷足氣幾絕尙舉禱於天矢以身代翼日瘳母沒哀瘠感鄰里遇忌日輒涕泣事長兄如父事女兄如母終身不忘大賈某犯販洋煙禁入縣獄知縣吳思樹謂賈曰梁某吾弟子也吾信之汝能致梁書于我則汝貸賈以千金進尙舉卻之鄭張二姓訟有年知縣陸孫鼎語二姓曰吾聞梁孝廉賢直吾將視若言二姓爭以賄勾尙舉尙舉又卻之當是時廉介聞一邑年七十七卒

三水歐陽
婿文集

黃鳳起字瑞昌塔園人乾隆五十八年舉於鄉授內閣中書加協辦侍讀銜引疾歸養張保廟亂鳳起集鄉人陳利害繕兵爲戰守計賊至帥眾拒敵獲其二渠賊怒圍愈急每戰鳳起必親應行間賊夜危之鳳起曰吾不以身先則人誰克奮

者禦寇益力西境遂安道光初土匪猖獗鳳起白於知縣祝
准設局募勇捕之歲饑出粟濟族黨復籌社倉以備緩急非
公事不至宰室京師僚友來宦粵初無私謁晚年家落有代
爲之慮者曰非病也好學強識課兩弟鳳樓鳳時俱爲諸生
道光戊戌卒年六十有九

採訪冊

李紳字垂章小欖人弱冠應縣府試皆第一補邑附生中乾
隆壬子科舉人性孝會試不中卽歸未嘗過夏授徒於鄉朝
夕問親安否親歿始應遠方聘道光戊子以截選授甘肅禮
縣携一子一僕赴任下車日鋤頑安良振興文雅禮縣舊有
義倉儲粟萬餘石故事有司不得擅發壬辰大飢請大吏平
糴不許請開倉亦不許紳慨然曰儲粟原以爲民今坐視朽
蠹不顧死亡尙靦然民牧乎遂下令發粟存活無算甘肅丁

糧徵錢解銀錢賤銀貴吏因賠累或倍徵之紳宰禮五年但完舊額不加毫末曰不加取一官受其累加取一縣受其累民已世受其累矣吾甯虧已無爲子孫造孽也尋致仕卒於家

劉濬字凝川城西人乾隆己酉舉人性廉正知好鄭廷楷輩或憐其貧爲籌畫得千金濬拒不受道光七年邑令祝惟聘濬分纂縣志有富家寡婦者素不端其子孫已爲報節孝濬不爲列傳詭曰是嘗與若小叔訟是不可婦家陰以二千金進濬不爲動而婦卒擯不得與生平著述尤迷於易著有周易會通藏於家庭楷字心矩廩貢生工詩文尤工八法輕財樂施族故有公倉日久漸廢廷楷倡捐置產爲權子母歷十年復舊族人德之勒碑紀其功嘗築擁翠樓於城東郊外時

與邑人李遐齡南海李炳元輩觴詠其間酒酣踏歌陶然忘返

麥興仁字體元道光辛巳舉人任肇慶府開建訓導一年卒於官妻父何景慈無子以姪振煥嗣振煥卒遺二子貧不能娶興仁助之完婚越數年二子相繼逝景慈嘗有田十餘畝質於人興仁代贖之爲擇嗣並爲之葬四棺

何瑞榴字霞暉小樓人父大濟字亦韓居恒訓子弟以孝弟待奴僕亦無惰容歲饑輒蠲佃戶租瑞榴道光壬午舉人已丑成進士知浙江嵊縣有巨盜號勾刀黨聚徒數百瑞榴擒其魁餘黨悉散旋奉委運滇銅滇距浙遼遠人以其初仕難之瑞榴奉檄卽行抵滇巡撫何瑄以同宗厚遇之銅廠各有監督例從運官需索不滿意卽多方撓阻以致逾限獲譴者

卷之三
眾瑞榴素有才辯兼爲巡撫器重諸厥莫敢發難不二年領
銅返大吏嘉其能瑞榴政尙簡易而聽斷精能嘗奉委會勘
餘姚新昌數巨案悉予平反輿論翕然然賦性孤介與同事
齟齬上官屢擬保舉率爲所尼後以計典降二級調用而瑞
榴飄然出境矣比歸里日夕手一篇曰青燈有味似兒時也
著有青棠山館文集四卷詩二卷

鄭世連字登儒得都人性質直人有不當理者面斥之邑人
以公事相屬任之如已事尤明於物情人不能欺然極廉平
不濫取亦不濫與故凡鳩工庀材經其給值無有片言與爭
者嘉慶間張保之亂世連襄防堵築上聞威遠永固諸礮臺
道光間修學宮書院皆其所董役也年八十四卒
何天華字景虞小欖人道光癸巳小欖饑天華倡捐資及領

藩司義倉銀分廠助賑存活無算巨賊劉混三等大爲民害
天華購獲之四境賴安道光二十九年隨子承恩官鎮峽見
道路崎嶇捐資開鑿以利行人鎮峽人立碑紀其事

何元珦字韞以大鯤仲子賦質穎悟敦志節年十二謁戚某
留與奕某倦以寵僕代元珦拂衣出識者以是器之曰此戴
安道儔也兄弟六人元珦嗣其叔祖有遺產當得其半推與
兄弟均之庶母所生妹寡適養於家母老苦寂凡可快遊觀
者必奉板輿娛之著有意林二卷五侯鯖一卷

何世佐字佑甯小欖人時嫻任卹有古人風族祖君晃死遺
孤二世佐收育之里人黎維匡死世佐葬焉族叔光祖死世
佐以百金卹其家復資其二子貿易著有望南樓詩稿二卷
紀遊草一卷后言一卷

黃琮字節菴標次子也有父風援例捐千總嘉慶二十二年秋發廣州協右營効力旋署千總改內河水師厯署碣石鎮守備都司虎門提標守備千總道光二年夏總督阮元以琮自幼隨父捕盜嫺習水師改外海水師先後獲盜梁錦梁老喜等四十九人部議加級忽患暑濕告假治病十三年冬起復署大鵬右營守備卸署回香山營獲盜劉富等又獲陽江馬尾洋海豐龜齡洋劫盜梁富業吳水秀等暨船隻礮械大府嘉獎給五品頂戴記大功十九年春署香山右營守備題陞碣石右營守備鴉片煙禁起

欽差林則徐至粵繳

煙土驅躡船

見紀事

捕私販令綦嚴總督鄧廷楨提督關天

培交薦琮可大用遂檄催諸躡赴龍穴繳煙土從參將李賢緝東莞鎮下村私販擒其魁萬卓鄧實英西鄒麥瑪禮臣義

律爲漢奸所嫉抗弗繳

欽差總督震怒檄琮帥師焚

其薏八月初五日琮揚帆至香山之潭仔洋謀報薏船販如故琮策夷必抗拒且船礮堅利難以驟攻乃使敢死士乘小舟藏火器於艙僞爲鬻鮮薏買煙土者牘至發火器投之風急帆檣皆焚須臾盡事聞升都司先換頂戴諸夷日晡必於濠鏡澳南北環游奕琮偵知之以兵圍其三板獲額多瑪禮臣二酋長跪乞命兵士怒欲沉之海琮不可曰是將羈縻之以制諸夷之命者也二酋叩首乞食琮使厨人以瓦缶盛飯雜酒肉食之二酋以手攫食如乞人狀兵士乃大笑鎖其頸至省繫諸獄

欽差大悅復命琮督水路兵勇驅各空

薏回國捕漢奸琮遂於新甯之三洲洋獲夷人船戶鍾二吳益等於泥澳山嘴洋獲運販奸民陳崇熙蕭傳仁等於新安

之長沙灣獲接濟奸民余連貴黃添副等升補碣石右營外
海守備再升龍門協右營都司調吳川營都司俱以夷氛未
靖咨留在軍旋須麥得釋大舉入寇琮拒之於虎門沙角大
角礮臺連日接戰受火器傷事聞

賜白金三十兩赴

吳川營都司任升署碣石左營遊擊復調來省和議定回本
任送部引見二十年夏四月護理崖州協副將升補海門營
參將未赴二十六年正月初五日卒於崖州

周廷安字顯良三竈屋邊村人少習騎射應武試不售去而
耕嘉慶十年張保攻刦村莊廷安率鄉人禦之連日鏖戰大
敗賊於沙岸賊相戒不敢犯其鄉道光九年會匪竊發鄉人
多被煽惑廷安潛告諸父老每村出一壯丁先擒其魁次縛
其黨集眾於三山書院嚴責之合境肅然鄉人扁其門曰一

方保障比大淋之亂六窺之地悉爲蹂躪鄉人曰使廷安在當不至此倡建三山書院捐田資鄉人讀又使其姪宗謙等從黃培芳學建孝子坊節婦坊以勵風俗捐地設墟場以便互市諸鄉有事廷安一言卽帖然卒年八十白衣冠送葬者三百餘人伯兄作新樂善好施遇荒年必平糶所識窮乏者有所稱貸必濟其急彌留時屬其子曰逋欠雖衆然多有不

能償者聽之可也與廷安尤相友愛云

鄭如松字朝幹雍陌鄉人由廩貢捐訓導厯署英德石城化州鎮平廣衛學上俱同任英德時俗生女不育如松撰戒溺女

文以曉之又走集經費一千餘兩建育嬰堂於邑城溺女之

風頓革

英德縣志

總督祁墳聞而善之出示告戒各屬並附其文

於後

採訪冊

李琨字葆霞南門人父早世祖母春秋高諸弟年少乃棄制舉業庀家政條理井然人有構訟者一言而解嘗誡子曰厚以祗躬儉以持家和以處眾三者吾謹持之無敢怠汝曹力行之又謂匹夫爲善於鄉必自敬宗收族始以始祖寢廟未成彌留日猶屬其子允中終厥事

王植撰家傳陳其錕撰墓誌

允中能繼

先志待舉火者數十家

採訪冊

劉董正字鶴儕東門人性質直重然諾能通財濟親故急爲文有灝氣壯歲補弟子員後起之士多遊其門喜著異書名帖中年家落昔所稱貸者多富貴漠然弗顧視而董正亦弗問嘗書帖自給家有小園蒔花木登之可見羣山董正曰杜門近撫遠覽激爲詩歌以爲其鬱抑無聊之氣道光己酉二月咯血病將死家人營喪具董正聞之舌已僵矣力疾起作

書曰古人單衾藁葬不失爲名賢母治辦使吾滋憾也死之前數年自擇葬地於雲遷之西曰此地幽深人跡罕至可與世長辭矣其孤介如此著有小眠樓詩一卷

何朝福字君詒小欖人由貢生入贅得知縣籤分江西署彭澤縣以廉能著調署永甯建寧峰書院厚廩給延名師公餘詣院課士獎勵之士風丕變尋題補安仁適豫省河決捐工需授廣西柳州府知府柳爲粵西邊陲統轄八屬徭獠雜處案牘繁冗號稱難治朝福莅任宣布教條吏民警服每鞠獄反覆忘寢食邊地多瘴重以積勞閏八月而疾作家人勸以靜攝曰獄民命也可以末疾草菅民命乎勤如故遂不起卒之日士民感泣喪輶戒行送者自署達河干數十里不絕當其宰安仁時有鄰封在籍顯宦不關白縣令擅拘人縣令迎

合其意故爲周內申達大府奏聞忤

旨奏未竟而朝

福接印據實平反及出守柳州 陛辭日

溫旨詢及

前案稱善者再蒙

恩記名將以道員擢用未竟其志

士論惜之

龍廷槐撰墓誌

吳麗字帝植翠微人生長富家無執袴氣性友愛弟性褊急不爲忤及弟卒念之輒流涕篤伉儷四十喪偶不再娶亦不蓄姬妾樂施好客親舊食其家者甚眾未嘗有厭薄容以是中落少習舉業屢試不售遂絕意進取闢池館環植花藥嘯傲其中顏日亦陶

採訪冊

李廷獻字品光大纔人少孤性孝友嘗出嗣爲諸父後輒涕泣母梁氏慰之曰行矣勉之事所後母猶母也所後母黎氏性嚴廷獻能得其歡心母病廷獻侍湯藥衣不解帶者累

月母恐過勞論少休廷獻戀不去強之歸寢且閉門焉廷獻俟母寢竊啟扇秉燭祇候達旦母歿哀毀盡禮如喪木生母事兄恭順年及耄猶稟命焉曰吾少孤賴兄教兄吾父師也姊老家貧廷獻迎養之二十餘年如一日

何朝佐字堯宗小欖人監生援例以通判分發江西厯署建昌府同知撫州府通判德化宜黃等縣知縣補授九江府通判奉文裁缺題補臨江府樟樹鎮通判其蒞宜黃也有鄒麻子者先與余某婦傅氏通余死鄒麻子遂妻之余子四賓俚黃俚冲俚其一尙幼鄒麻子與其族某有隙誘冲俚夜至某門殺之冲俚瀕死呼其兄於是報案者謂賓俚殺其弟獄成而未決朝佐察其奸拘鄒麻子研訊服罪鄒麻子至省反供大吏委官覆訊卒置之法邑人頌之子自蕃自勤作吏浙江

甘肅朝佐每密書惟謹以恪守官箴節儉養廉餘不之及

屏文集參 自蕃字玉平署浙江秀水縣主簿縣屬鴛鴦湖煙

採訪冊 雨樓等處宣洩失時自蕃殫心修復溉田三千頃有奇署東

陽縣縣丞夏旱士民赴縣報災知縣不之省士民詣縣丞署

陳狀懇代縣通詳自蕃慨然任之親履田畝察被旱情形具

稟道府大吏委自蕃回縣勸捐米穀招集流亡知縣素貪詐

與胥吏朋比侵蝕自蕃械胥吏至省嚴懲之大吏撤知縣委

自蕃專辦民無失所自勤字齊平由理藩院供事議敘典史

授甘肅慶陽府合水縣典史善聽訟縣有疑獄必委自勤決

之採訪冊

黃世榮小赤坎人林鼎元坑口墟人蕭達涵蕭裕勤俱大涌

南文村人麥珏小墟人皆以還金聞世榮爲江門米肆儲破

其鐵曰肆主滅其值歲暮以席裹破曰及敝衣喚疫歸有朱
姓客亦以席裹物及抵岸朱負世榮席裹去世榮亦負朱席
裹至家啟視之乃二百餘金亟奔舟中覓朱易還之朱酬以
金不受而去鼎元得白金於路憩以待久之婦倉皇至乃
鬻女而失價者鼎元還其金並酒於蔬圃拾金劍須臾有婢
哭覓達涵詢得實卽付婢歸裕勸傭於屠肆路拾二十餘金
視其封有大嵐村人李集榮字訪至其家還之珏性孝友善
吟咏當海賊郭婆帶犯其鄉婦女紛逃珏拾一遺囊中有明
珠值千金俄而鄰婦覓囊至珏悉還之

劉光楞字懋丰治安街人由附貢捐光祿寺典簿性仁厚宗
族有貧乏者歲暮給之金育二甥於家延師課之讀置館省
城知交空乏不能應試者招館之有林姓友無子老死光楞

助之金爲立後豐山書院多田產向舉廉正者筦出納咸推
光榜固辭不獲及受代羸於其舊寒士就院讀每稱貸不責
償其後風俗不古每舉董理無不思光榜者晚年家落七十
有四卒

俱同上

黃培芳字子實紹統子明祭酒佐八世孫也培芳幼聰穎應
縣試時題詩山寺方繩武見之訪與訂交二十補弟子員嘉
慶九年中式副榜肄業太學道光二年充補武英殿校錄官
十年選授乳源教諭歷任陵水縣教諭肇慶府訓導培芳秉
性孝友操履端潔居嫡母生母憂俱哀毀盡禮三年不入室
侍從兄沃棠疾不避勞瘁與從兄幹芝輩互相砥礪勉承家
學早爲鄭士超馮敏昌器重當道聞名延課子弟未嘗干以
私遊其門者名碩輩出如許尙書乃普羅侍郎文俊其尤著

者官乳源時新進諸生書券爲贅及迭出門反諸其袖乳源
大旱徒步入山禱雨立應人呼老師雨調陵水以士習樸陋
罕覩書籍因詳列教條及當讀書日遍諭鄉閭受學者靡至
邑有順湖書院膏火不敷三昧寺有餘田僧徒啟爭密言於
有司驅僧撥田贍膏火時海賊萌孽居民避入城商旅不行
者數月縣令以公事赴郡培芳飛書崖帥請援得無事任滿
陵人俎豆之祁宮保填督兩粵時用培芳策諭各屬團練南
海等縣分土著民爲七社不費官帑輸戌省城又議建各倉
儲穀備不虞敘勞加內閣中書銜復與祁商擢上變通考試
遴選真才疏欲仿唐制舉科目並宋司馬光十科取士條目
以羅羣才祁稱其深切時務云世居省城泰泉舊里藏書五
萬餘卷咸豐丁巳英夷入城居民遷徙一空培芳以先祠圖

書所在堅守不動曰脫有不測則大夫死宗廟之義也奚避
爲因與坊鄰竭力聯衛卒無恙人服其定識性好遊嘗六上
羅浮謂羅浮粵望也可名粵嶽因自號粵嶽山人築粵嶽祠
於絕頂以觀日出又與張維屏輩於白雲山濂泉間築雲泉
山館中祀蘇文忠公崔清獻公及文裕公以志景仰著述甚
富尤邃於易詩文書畫俱工北平翁方綱目其詩與番禺張
維屏陽春譚敬昭爲粵東三子江南盛子履又推培芳及張
維屏譚敬昭順德吳梯黃玉衡吳川林聯桂鎮平黃釗爲粵
東七子云咸豐丁巳年八十重遊泮水卒年八十二著書凡
若干卷見藝文

採訪冊參番禺志寓賢傳

黃之字子皓明祭酒佐八代孫性孝友年十八父疾篤聞人
言減子年可益親壽卽潛齋城隍神父病果愈與仲兄幹同

居三十年無間言屢試不售嘆曰科名外也學問內也遂與
韓鍾戶讀書碑心纂述所著粵小記一書祁恭恪公墳墓稱
之潘太守尙樞嘗采其書行求兩法詩以性情爲宗純孝之
思見道之言洋溢楮墨方繼武劉華東凌揚藻輩皆推許之
授徒五十年不苟取不徇俗環堵蕭然晏如也少羸弱以善
自養攝享大年自高祖迄芝皆七八十以上從弟培芳贈詩
云五世連蔭青箱歲三朝幸作太平人一時傳和著書若干
種採訪於字子直工古文吳應逵稱其樸實說理無勾章棘
句之態著有臨齋文集陳在謙編南文鈔從兄謙字子牧諸生賜冠
喪父授徒養母必具甘旨而自奉或啜鹽水下飯或市乾餅
二夫婦分啖不令母知也番禺舉人林伯桐語內行敦篤者
必首推謙云卒年八十二採訪

劉嘉謨字儔在例貢生官通政司經歷兼理登聞院事務

森國朝正雅集

少師邑名士方天根

香石詩話

賦性冲淡兩試不售移名

吏部藉爲遊覽計廬泰金焦虎邱西湖諸名勝登臨殆遍官

京師五載翫然歸隱

夢狂詩教

夙敦風義嘉慶己巳洋匪內

犯居人震恐嘉謨倡捐二千金總督那彥成以保謀固圉知

縣彭昭麟以義重松榆額榜其門

採訪冊

歸田後僑居省垣好

吟咏體物清切瓣香在白陸之間張南山司馬自江西解組

回以春遊詩索同人和嘉謨詩成司馬大加擊節

香石詩話

著有

聽春樓詩鈔

正雅集

子聯必字衡大廩貢生習高明教諭翁源

訓導咸豐甲寅賊圍翁源城聯必與知縣陳德銓力籌戰守

具初翁源多微戶聯必招爲屯兵訓練之至是得其力以守

時乏火器惟跡得一缺耳大礮聯必教令纒致城上而縣人

無敢發者聯必令親隨方良發之賊遂退良受驚得疾死計
圍城六十七日聯必身冒險阻晝夜罔懈事平亦積勞成疾
逾年七月告病歸九月卒聯必與德銓共事德銓卒於任得
議卹聯必在籍故不及卹留時尙呼殺賊云

採訪冊

唐士鯤字鵬萬慶家村人嘉慶十九年歲貢生性忠厚貌若
椎魯見善則毅然赴之邑文士赴春秋闈者多貧乏士鯤惻
然曰是當爲之計乃做古義田法廣之於鄉家出百金合得
二萬九千三百兩於梓洞巷東購地建數楹以其中爲士人
課文之所其後堂祀捐金者由是鄉會試俱有資獲選則有
獎勵而武試亦兼及焉道光丁亥秋七月祠成顏曰崇義祠
士鯤賦詩誌喜嚮祀捐金者以人數眾多不能遍舉致告惟
舉宋進士陳天贊工部侍郎馬南寶明禮部侍郎黃佐統諸

香山縣志

卷十五

人物志

七

列祀者以告同治八年始躋士鯤而並告之亦公論之不容沒者

黃朝輔字賡暢長洲人道光戊子以廩生中舉人已丑成進士庚寅授湖南鄱縣先是邑令到縣縣尉必道差于民間責與衙朝輔知其弊立罷之而潛備輿馬人民爲歎頌歲大歉有某甲告劫穀米者大府欲置之法朝輔廉得實知民爲饑驅非稔惡者力爭不從遂烹其首惡餘皆獲免壬辰調平江縣捐貲助修育嬰堂乙未五月大旱朝輔爲民禱雨設壇於梧桐山山極巖削朝輔夜行至山焚香徹天雨立至陡寒得疾時方值縣試朝輔疾已篤猶於榻前披校文藝不置十月卒於官

何瑞齡字芝田小攬人廩生道光甲午舉人少失怙恃事庶

母如生母任韶州乳源教諭月課諸生若子弟咸豐四年紅賊陷乳源諸生速之去瑞齡曰吾行何之吾死矣夫賊素聞其賢相戒勿入學署六年賊復攻乳源瑞齡集諸生激以大義捐貲募勇捍衛與縣令同守城賴以全尋卒於官

楊大魁字冠南西門人父兆麟字仁洲七齡以從子入嗣伯父文煥稍長以父意多未安買地營葬罄其家貲躬負骸骨跋涉數十里見者歎其孝傭工自給晨夕必奉母甘旨妻兒則飽藜藿而已大魁道光甲午舉人事父母孝篤愛諸弟藉束脩以助叔永知縣蔡夢麟莅任觀風得其文目以國士拔縣試第一受知翁學使心存鄉舉北上隨翁謁湯文端公金釗深器之甲辰大挑二等旋署德慶州訓導係同州有陋規學官歲得二百金大魁卻之同事有雠色大魁曰教官以

香山縣志卷十五

列傳 四

七

訓士爲事焉用賄卒不受日與州士講經義嚴品藻有生員年七十餘工文特加賞之文風益振去官日州牧及紳士以教誨有法懇請主講書院辭不就紳民製牌數饌送德慶志尋任新興學訓導甫一月卒於官著書爲堂文集碧梧吟草第大垣性廉正委督修興寧書院派膏以無藏冠士林稱之朱潮字學韓小欖人道光丁酉舉人日居進士曾用知縣少孤力學潛心經史性孝友弟以不善治生耗其產業潮未嘗形於詞色所得東脩與弟共之至老不言析爨

楊鍾麟字步仁翠微鄉人諸生幼穎悟敦行不怠縣丞周飛鴻憐其貧經畫澳門草堆地一區贈之辭不受知縣馬德藻尤器之謂有民社才嘉道間海盜竄起鄉人推爲祭酒鍾麟固辭乃設器於衢令壽姓名投焉視多者當之所舉皆鍾麟

名不獲已爲任事公正廉潔人無敢干以私吳某置產爲勢家所奪鍾麟貽書勸諭勢家感悟歸其田蓋勢家嘗以幣交不受故樂從也某有僕初婚爲怨家所迫婦投繯僕亦赴水鍾麟命救之使人陳其事於官卒得白夫婦賴以全鄉人某貿易外省犯死罪適去督撫檄文武員弁拘其親屬鍾麟以其自幼外出請釋其家小情詞懇摯邑宰周紹憲鑒其誠爲轉達大府得無事古鶴村兩富家遇盜適賽會或誣會聚匪株連者眾多亡竄鍾麟爲首其誣服始得安鍾麟狀貌魁梧工書善飲而推誠待物和藹可親年八十戚友將壽之概屏絕謂母年九十未及稱觴故言之痛心云咸豐丙寅

賜副榜

沈志亮名米以字行先世福建人曾遷來澳門遂家於前山

寨南之龍田村生而倜儻慷慨向義道光十六年英夷闖馳道毀居民塚墓滅骸骨和諸酋與大關之酷甚於前民畏夷莫敢爭愬官置不問志亮義憤乃受害思所以報之謀之其鄉薦紳鮑俊趙勳榮王祺鮑俊謀之總督徐廣縉徐曰此誠可惡鮑還以告志亮乃與同謀郭金堂吳某數人懷刃伺之英酋素負勇實與異國體面一手執勝抵澳門舉手言曰身出沒波濤鍛鍊兵火所到必無遺孽一清隻手尙用不盡也又出入皆以兵從志亮等因奉拒不得問久之益無忌憚偕西洋酋數騎出志亮曰可矣乃使爲販魚或爲鬻果蔬弛擔於道若觀馳馬者金堂等以爲奇益東置於道馬聞香不肯前日將夕天且風馬忽驚起志亮遂出番字書投英酋酋俯接而視遂出刃乃斃其頸墮馬酋手鎗負痛不及施

志亮遂斷其首以夸示其手也並斷其手埋諸山場之外金堂殺其從者西洋酋疾融入關金堂宣言於眾曰此鬼罪大惡極故我官府百姓欲得而甘心餘弗問也諸夷惴惴不敢出馳馬十三行皆震懼華人聞者莫不擁呼相慶矣稍定奸人族之詣軍門索殺人者制府欲弗許恐開兵釁欲以死囚者代奸人又基之索酋首爲證制府不得已趣鮑勸之出志亮乃與金堂發所埋首與手行至省赴有司卽下獄金堂語志亮曰爾有母無子不如我爭自認而卒坐志亮制府恐民變昏後卽棄市金堂論遣戍時道光二十八年某月日也鮑見制府制府語鮑曰吾揮淚斬之今猶嗚咽不已也卹其母千金聞者冤之凡塚墓之受害者其子孫墓祭日必先望空拜志亮後遂立廟祀之以金堂諸人配享金堂肇慶人死於

獄妻某氏年二十八矢死守義邑人林謙嘗過其家見其孤苦謀所以給之謙旋卒不果

吳曰枚字蕃北諸生翠微鄉人弱不好弄母韋氏嘗令持果餌饋外家舅母試食之曰枚正色曰可不先獻外祖母耶諸舅皆異之壯歲從南海勞渰遊歸益自積勵從遊者曰眾兄弟四人同居曰枚歲獲館穀較諸弟姪常豐或勸之析箸曰枚以析則苦樂不均恐傷親志不從束脩所入奉親外與諸弟共之無私積父母年至八十相繼歿曰枚率兄弟行古喪禮既殯始飲水歠粥逾月葬始蔬食苦出三年不飲酒食肉以哀毀積疾族黨聞曰枚行誼有代延醫至鄉診治者卒年五十二朋好爲醵金助葬弟感其義猶同財二十餘年

吳天炳字健彪諸生翠微村人少貧好讀書叔儀階嘗資以

膏火俾力學天炳事之如父母韋氏疾親侍湯藥後歿於元
旦遇忌日輒閉戶素服悲泣子弟賀歲者皆卻不見

蕭鵬字鵬萬小欖人痛父蚤歿忌日輒悲泣母病劇羣醫束手鵬萬潛割臂肉煎藥以進母立愈高戴聖者亦小欖人母何氏病戴聖與弟學易焚香籲天願以身代戴聖復割臂肉和藥以進母卒不瘳戴聖兄弟皆諸生

陳大古鶴鄉人黃三順東岸人林廣大涌人俱蚤喪父家赤貧而皆以孝聞大母目瞽行乞以養得飯歸必熱以進己乃餒其餘及長業漁有所獲必釋肥美者奉母出必早歸爲母執爨所居茅屋補葺完密母患欬晨夕薦茗以錫二十年不間母老病癰瘡人厭之大曰母之賴我者此時矣乃扶持浣濯補衣捕蠅飼粥終母之世無倦容母卒以壽終大貧不

能娶母喪畢尋歿年六十一三順亦以漁爲業得魚之大者雖重價不售持歸奉母售其餘市甘旨助母饌母目瞽械踰躬自浣滌一日冬寒不能漁爲族人齎書往澳門至山窰逕思母慣食鮓歸市供母乃再發母年至八十三乃卒廣與弟四僑居東里兄弟相依廣業圯四充營伍廣日必詢四營中
有事否無事則四居家執爨侍母廣出受雇若有事則四往役而廣操作奉養雇以多金弗出也夜歸必市麪羹食母與母對榻卧動息必察母起則扶持之前茶雜餅餌進還卧則引被覆之而後卽寢母晝卧則坐門外小兒喧嚷則麾之去母嘗五月黑山諸十倍價購之兄弟通財有缺乏謀諸門外恐貽母憂卒年八十六

程以誠字可行南萌鄉人府學生四大都創雲衢書院而育

士無資以誠與崖口譚濠涌嚴會海呈請福制府撥涌口門九竇魚利爲書院膏火第二竇爲濠頭鄭氏溝洫道勸鄭氏捐田三頃餘以資歸之由是延師課讀兩都人士賴之譚字免堂事親孝石門裏村人游手無藝譚爲籌措田百餘畝使之耕道光甲辰乙巳三合會之役譚擒其族首匪解官置之法會海以書名於邑

余世爵字亮章登石村人慷慨好義歲飢出粟以賑復籌置義倉爲鄉人養生喪死費嘗有梁姓以數百金與世爵市樹果忽颶風果盡落梁慨然世爵曰金故在也還之晚年檢藏券悉焚之曰毋留此爲後人累也鄉人訟世爵一言立解道光己亥卒年九十有三子集榮字英集樂善有父風咸豐甲寅會匪之役出貲修鄉外礮臺自山田至赤洲沙樹水柵橫

疊石海激勸鄉人嚴守禦每賊至親爲拊循遂卻賊鄰鄉來
援自出酒食犒之年七十八卒

譚江岡字器宏崖口鄉人和而介性孝雞鳴起備盥具淪茗
奉父父往田然後入塾暮自塾歸先往村外俟見父代荷耒
鍤返煇湯請濯足日以爲常夜則然香照讀中年補弟子員
有餽金二百者江岡以非義卻之歲入館穀每以貸親戚之
貧乏者歿之日無遺蓄焉

楊肇封字建五申明亭人家富而儉嗜學尙義初與劉朝傳
等創立鄉約治羣盜以厯費寔不支肇封爲之撙節未幾復
舊且有贏餘與劉升庸姓大登修西河路九百餘丈行者便
焉善治嬰兒病貧者贈以藥甲寅會匪之亂首議出貲募勇
連鄉以守年九十有二卒大登字朝卿性孝友年逾彊仕猶

出告反面父析產讓兩兄擇取兄蚤逝撫兄子如己子爲完
婚嫁者十餘人敦睦鄉族而處事不阿知縣輒踵其門屬以
公事獲盜伍時洛知縣劉丙慶厚犒之大登悉與諸從役者
年五十有四卒

黃河瑞字鏡洲東門人國學生性仁厚事後母至孝受捶楚
無怨色務得其歡心有從弟貧爲贍其家垂二十年家人弗
之知弟驚其二子俱爲贖歸撫育之所識窮乏多資以存活
夏暘爲茶於雙合山逕以飲行人歿時有婦人攜二子哭於
門外問之則河瑞爲出貲贍養已十餘年至是家人始知之
里有病者天大寒令門外且僵矣良久忽甦曰此黃鏡洲家
地不可汚疾走出里門而死聞者咸歎異焉年六十二無疾
卒

吳啟苞字應懷張家邊人與弟啟基俱有聲庠序間啟基舉於鄉而卒啟苞以二親及弟喪未葬日求葬地邑內山川幾遍歷既葬不復進取隱居天池寺讀書自適有高叔祖徙居邑城無後啟苞爲立嗣並歸其數柩葬於鄉里閭重其行誼出言輒傾聽然不預外事惟甲辰會匪之役始一出與鄉人協力平之著有警心筆記位思書室詩文稿

李如璠字寶林小欖人由國學生援例任湖北建始縣典史歷署宣恩來鳳咸豐等縣典史宣恩東鄉利川建南咸豐張家坪各巡檢如璠廉介所至有聲初赴建始時施南顧太守以嚴明著如璠偕同僚進謁顧詰曰爾等雜職有擅受民詞者否眾不能對如璠曰實不敢欺雜職若不受民詞下情何由上達耶顧色變同僚咸爲如璠懼如璠自若顧曰民詞可

受則受由是重之委署建始縣丞湖北地連四川寇盜充斥
獲鄰盜者輒奏遷秩縉紳某與如璠善以鄰盜界如璠如璠
曰借盜求官吾不爲也愿仕二十餘載清勤如一日後以老
致仕宦囊蕭然時有教職哈廷珍孝廉廖華國葉中丞名琛
之舊也以書薦如璠於葉如璠笑卻之強之再三受而藏諸
篋卒年七十七

梁處光字奮士弟賜光字修士小欖人長兄某早死遺嫂與
姪二析產人五十畝處光賜光欲鬻產爲貨殖計謀之嫂嫂
辭二人者遂自爲焉由是致富置田數百畝而姪因不加遂
復析爲三而以其一與姪閭里稱爲長者子某孫今榮庚子
科解元

鄭施鄭德俱以友愛著施少失怙恃哀毀逾節兄瞽事之如

父父遺有薄產施爲經理漸饒裕置田立券皆署兄名兄乏嗣施年將五十凡四娶始生一子有質者皆遣就兄所兄甫離襁褓輒使依兄鄰下爲兄嫂娛好行其德凡戚族之貧者計口授穀其不能婚嫁者助之子挺字摺居好義輕財善承父志德兄弱多病不能操作一姪伶俜僅數歲德傭工取值養兄嫂撫猶子備極懇至中年兄欲爲之議婚德慨然曰有家室卽有兒女累豈能兼顧兄嫂耶兄爲大宗不可絕也吾甯養兄嫂沒世耳終不娶年六十有三卒施字德普古鶴鄉人德雍陌鄉人

麥煜字凝和小樅人素與象角村阮某善阮晚年娶妾生子未期而阮卒家貧阮妻議留子遺妾妻戀子不忍去煜適至請於阮妻擇妾母子歸育且教之二十餘年子長始遣歸阮

氏又有何逢清者字振顯家素饒嘗爲友娶妾友死孤幼厚恤之至成立乃已麥某負逢清五百金旣歿其妻欲以田償焚其券麥妻得以守節養孤

程大用字元明亨美鄉人家貧嗜學年踰八旬猶書聲琅琅出戶牖精岐黃術貧者求醫不受酬且贈以藥次子仞翔以懋遷致多金親族貧老孤寡者給米贍之貝頭村溪深廣而窪山雨一過羣流暴注人病涉仞翔出貲造石梁焉客於閩廈門安溪廣三丈有奇渡者皆一葉以杭有爭渡而溺者仞翔過其地慨然領囊建長橋以資利濟遠邇德之年未四十卒以好義故家無遺蓄

鄭廷棣字常蔭城內人由貢生授戶部河南司主事姿貌瑰偉接物謙和戚族忿爭經其排解者無不帖服去人有窘急

求無弗應施藥餌給楸枰歲以爲常每饑必捐賑初香山人士入都無居停所道光初廷棣與會望顏俱官京師興事豫金置會館於京城之官菜園道光某年邑之學宮壞廷棣與兄廷松捐八百餘金爲修復費廷松董其役費猶不足再出數百金廷棣怡然也疏橫逕修縣城皆捐厚貲過其分生平不事稽察以其僕胥篋家頓落子允仕胸懷坦易喜技勇咸豐四年賊攻象角允仕從烈風暴雨中蓑笠徒跣運大礮往獅山礮臺轟擊獲勝又從勦小濠涌獲僞先鋒等獎敘六品銜

黎閎輝東門人國學生事母至孝好施與家素豐以是中落嘗貯散錢於器恣母用減則潛充之母爲忘其貧邑俗惡寄產雖姊妹不容於家有村婦赴城忽欲挽倉皇無所投里人

譚然閣輝令扶入閭一室處之臨辱後召其夫至給錢米送歸後邑令吳經采知其事嘗舉以諭俗里中某甲死母老子幼母欲嫁媳以養其子閣輝僞爲與亡人厚者詣其家賙卹之婦得以撫孤完節或鬻豕得僞銀持而泣閣輝取閭之給曰非僞也遂陰易以真者濟人利物一見卽行雖家人莫之知有無賴子知其仁直僞以飢寒訴立賙之或告以詐閣輝曰吾盡吾心而已邇聞其詐耶其果於尙義如此體素豐老猶嬰鑠親見子孫成立人以爲累善之報年八十餘終易簣時或聞樂聲云以子顯貴發膺封贈

潘慶字鳴威原籍羅定州家毀於賊入籍香山隸良都由大鵬協營外委調署小欖千總時會匪騷擾巡檢某慶救出之獲其魁歐陽從寬等丁未春赴省考校匪復熾劉建華黃

太張斗劉槐芳等嘯聚至萬人勒索市肆辦供張罷市數日矣慶回知事急乃佯與張斗善謂斗曰吾官此可若何斗曰勿犯汛地足矣慶曰若此是速吾亡也吾從若耳斗乃告以五月初八舉事慶計敵眾我寡非散其羽翼不能濟乃潛集三百九十餘社社長社正動以利害令反正咸許諸署名乞自新者一萬二千餘人遂馳使縣營告急知縣陸孫鼎副將洪名香促兵至賊驚竄慶乘勝扼要道悉擒其魁小樹地肅清眾爲位祝之一在開元寺一在九州基咸豐二年升水師提標參將時提標以洋巡出兵潛通賊八月十七日賊陳蛇南攻虎門慶從洋巡聞報回帆遇賊於竹洲橫擊之潰始戰藥彈失營弁沈某自鷺公洲來火藥焚賊呼洪兵勝矣時賊自稱爲洪兵也慶亟入城嚴詰得奸細數人置之法賊復合

攻東卡兵士以內患旣清戰氣益倍敗之獲陳蛇南等慶以虎門城狹而惡賊易之議於蓮花山頂增女牆而郭之左右翼繞東西麓而下周市七百五十餘丈擇要害築墩臺上官牋之發庫銀二千兩不給慶自捐二百兩爲諸弁倡遂藏事四年十一月總督葉名琛檄從按察使沈棣輝勦佛山議者請盡塞通佛山諸河專攻石壁慶以石壁圍涌賊壘幾徧攻以舟水道淺窄賊援一集不能退羣賊惟佛山陳開最強悍方燒民居兩晝夜火未熄必內變宜乘機攻之破開則羣賊潰矣沈從之攻臨海廟高橋頭諸壘皆克適曾琪車卑河之軍陷檄慶防東賊五路晝夜攻省城慶三勝之賊收合赤岡山梁賊數萬再逼河南鄉勇敗慶與陸兵夾擊之賊潰五年賊西竄陷潯州檄慶領快蟹船十二馳救會廣西按察使張

敬脩敗績船械盡爲賊有賊勢大張攻平南窺梧州總督檄蘇海崑芳領船四十助慶黃鐘音新任臬司統兵駐梧促蘇崑刻期進慶以西潦沒隄纜不能牽我泝流上危灘賊順流壓我必敗須流緩乃可而黃鐘音不知兵促戰愈急七月十四日僅至藤縣白沙河賊連橋下擒鐘音殺崑芳我師大敗慶按戰自辰至酉十二船俱盡慶子乃貞姪紹良俱死慶右足中礮落水關防漂失殘兵援之昇入梧城翌早乃甦事聞詔鑄參將關防給之調還省堵東江九年鎮陽江十年三月調赴廣西十月署廣西提督下埕賊羅澤觀仁和墟賊陳金剛合兵窺梧慶聲言下封川潛渡容墟南繞二賊後自上流擊之又遣陸勇紆道夾攻賊徂於藤河之役不虞官軍之飛渡也駭散涸涌而逸擒賊十八人奪船四十乘勝收

下埕龍洞等處會疾作回籍調治性儉樸居官尤廉任提督時官屬循故事餽遺謝之曰西土瘠且經亂幾堪取求我必不受但府庫空困極矣盡以助諸軍置宅東門僅數椽年六十八卒

俱同上

曾望顏字瞻孔原籍順德祖昌垣始徙邑之員峯鄉隸籍良都父富業邑諸生授徒自給望顏亦以此爲甘旨計縣試第一補弟子員嘉慶己卯舉於鄉道光壬午

恩科進士

選庶吉士授編修補江南道監察御史署河南道事掌山西道事轉刑科給事中兼署戶科給事中遷光祿寺少卿太常寺少卿晉順天府府尹擢福建布政使護理福建巡撫代辦閩浙總督以官御史時查庫虧空追治免官賠補完繳給還主事咸豐四年入都以五品京堂授通政司參議再遷順天

府府尹陞陝西巡撫調署四川總督以陝西參劾屬員翻案解任同治四年起授內閣侍讀學士回籍卒望顏剛介嚴毅知無不爲座主英和湯金釗並器重之曰此必能自立不肯苟徇流俗者居臺諫時條奏悉稱 旨既擢京卿

宣宗諭曰科道爲 朝廷耳目之官責任綦重凡利弊攸關俱應直言無隱近如馮贊勳曾望顏黃爵滋金應麟等遇事敢言指陳曉暢故特擢任京卿風勵言官以廣忠諫之路望顏等益當仰體朕意不避嫌怨力矢公忠如以建言爲梯榮地驟得升階卽圖保位豈朕用人圖治意耶尋遷京尹

召見

諭曰我知爾亦心爲公非沽直希榮者比

今既管地方事切宜認真勿染外官習氣一味含忍府尹管二十四州縣先宜查察邪教彈劾劣員不可以容忍廢職墮

日復

諭曰事有未當爾不肯爲朕能信之惟是新膺

民社府尹事多未經宜隨時歷練毋誤乃事望顏跪聆感激

流涕每月數陳十數次

上皆召見詢地方事及屬官

賢否望顏愈勵精報稱搜剔順天科場積弊及同漕邪教隆

豐寺三官廟僧尼響馬大盜事多被及要津株連宦豎人皆

危之糾彈不職州縣與兼尹大臣反覆辨難一意孤行不之

顧也時露爲會鐵面庚子夷氛不靖

簡任閩藩

諭曰滄泉原應奏事若事關重大爾可專奏毋庸會商督

撫致畏首畏尾朕觀近日外官似天生一副飲食起居與他

全不是京官樣子我知爾尙不至此再問某日可起程某日

可抵任帶人若干家眷去否望顏逐一奏對

天顏霽

悅到闕兼權督撫二事夷使由南台口闌入省呈國書望顏

命督標參將收之許爲代奏使者悍然造軍府請見望顏以和約未定若請見當從琉球諸屬國陪臣禮節夷使囂然爭將軍以下勸稍貶損以顧大局望顏曰設有變故我一人當之遂調麾下七營將士列堂下發礮鳴笳鼓升帳使者逡巡不敢進以國書交府縣代呈謂未見中國官有如此者遂揚帆去未幾罷歸

文宗御極起用密奏粵東會匪之患

吏治之壞民生之困反覆數千言

上爲動色

召對復一一陳之再任京尹嚴於其舊奉

命巡撫陝

西以救災補偏爲急務陝西戎政廢弛望顏親臨考校汰老弱補精壯勤訓練又以秦軍貧乏禁支糧減尅大閱自出賞犒賞秦軍大悅乃行保甲勵鄉團勸民儲穀備緩急登山視險要築寨堡擒治紅黑簽匪商旅可以夜行河南捻匪煽亂

屯武當山地迺而險經楚軍驅逐闖入武關地扼四衝恐久
據調飛騎星馳擣之限三日至賊不虞官軍之猝至也竄還
豫望頗以事關兩省不分畛域先奏楚軍其固持大體皆
此類也同民與漢民擣訟往往不得望顏語屬吏以漢回
皆國家赤子祇分曲直何分彼此始之皆得其平臨潼漢
回關幾致亂望顏遣官齎文書馳往曉諭各捕其爲首數人
遂解散回人大怒拜六兒者愿任無敢撓其鋒望顏以兵
圍獲之並獲漢人中巨惡李麥芒兒同日梟諸市回人謂自
林文忠後僅見此人我雖與漢人世仇但曾撫軍在不可生
事負恩德由是帖然煩賊擾川境 上命移節督川川
之戎政更壞於陝賊已陷州縣奏調甘陝兵至人地生疏檄
土司兵至鶉衣菜色芻糧戈甲皆不給乃捐廉數千卹之士

兵始踴躍用命而陝西被劾屬員翻案臺參事起部議革職
留任再劾成都翁守詐贓翁亦互訐遂解任回籍 文

宗駐蹕熱河詢望顏行止左右以翻案臺參誣罔對且謂望

顏性過剛故不合時宜

文宗歎息久之

穆宗

御極起授內閣侍讀學士以老乞假歸同治庚午夏四月卒
於城南里第年八十有一望顏勤於官事校簿書恒至夜分
服食一如秀才時再仕再已粵中大吏招之不出親故稀見
其面先是學政於新進覆試每名繳十金有奇名曰開門銀
望顏慨然曰學政爲 朝廷育人材奈何需索至此及爲御
史卽奏請禁革粵東州縣於未及定罪及牽涉之犯另設繫
所名曰外羈凌虐勒索一如犴獄望顏並奏劾之軍興征於
商人姦人藉爲利抽及魚蝦邑城販鹽皆罷市望顏諭眾安

集請於勞制軍崇光而免之通籍四十年未嘗牟利後有恃

勢豪奪者人輒思望顏不置云

俱同上

光緒六年甘陝總督左

宗棠以望顏在陝兩年政績卓著陝民感慕上陳奉

旨

政績宣付

國史館立傳並准於陝西省城建立專祠

奏稿

林德泉字恭溥大涌安堂人由廩生中道光辛巳

恩

科舉人挑發安徽署石埭縣調太湖縣太湖有良民被誣告

大府檄逮泊德泉力爲申理以去就爭之乃得釋去官時攀

留者遮道二十二年英夷之役調赴上海軍營英夷闖入吳

淞直指江甯主兵事者徙庫儲於安慶委德泉督運甫出江

口舟子聞礮驚逃德泉率親兵揚帆入皖復調防禦江東德

泉先於和州梁山設伏乃沿江建礮臺張旗幟英夷兩至皆

逡巡不敢進德泉陳防江戰守策江蘇巡撫程希采善其議

檄所屬行之旋署和州涇縣二十五年補蕪湖縣邑環江多盜德泉募勇懸賞捕治之二十八年再調江蘇督水師追獲海寇蘇走等於浙江之普陀洋救出被虜者數十人功上以海疆知縣調補後以同知升用先換頂戴三十年補青浦縣振興文教士風蔚然咸豐元年調廣西軍營江南督撫以海疆奏留三年調安徽軍營補宿遷縣領粵東水勇勦上海股賊四年以軍事奉檄回粵會匪事起督撫奏留原籍董團練蕭家渡之捷德泉與有力焉省城軍興制府召香山紳士募民勇蘇廷魁薦其弟資泉德泉以資泉性疎使其子福盛從累戰有功擢至雲南兵備道德泉年七十有五卒著有公餘墨記涇川偶得錄弟大斌字恭廉捐衛千總慷慨好義善騎射能書徑尺字道光甲辰三合會匪萌蘖大斌仿軌里連鄉

法以弭其患正月官兵捕賊歐石等大斌截之於路被戕死鄉人哀之巡撫黃恩彤奏請卹廕子福緣襲雲騎尉

世襲恩騎尉罔替祀昭忠祠大斌之死德泉在涇凶聞至慟

哭不絕置香火田十畝屬僧月潭祀於涇之水西寺

採訪冊

袁世昌海州人諸生海州環村皆水更當西遼之衝阡陌爲

魚鼈窟世昌倡捐築隄捍禦之工費不給傾其家貲以濟嘉

慶庚辰始告成村人乃粒今永安圍其遺址也卒年七十一

林謙字德光大車鄉人淡泊嚴正好學不倦而常抱經世志

由廩生中道光戊子舉人大挑知縣分發直隸告終養歸咸

豐六年以團練功加同知銜保舉孝廉方正家故貧父鶚翀

家屬多謙藉館穀供菽水先是大父夢蘭慮謙以家計廢學

給田資之及得館穀請於大父還所給田爲弟姪讀書助父

母喪葬皆自任之未嘗責之兩弟同邑友鄭廷檢官中書歿於京師謙爲護柩及其孤還餘千金悉歸其家有異鄉友流落省城慨然贈金作歸計其師之曾孫女鸞爲婢謙爲贖券撫育成入備匱貲送歸俾其親屬爲擇配東鄉故貧瘠謙爲籌畫置田一頃爲公儲又置田八十畝預爲四都社學經費道光辛卯米價昂謙倣朱子社倉法行於鄉丁未復於欖邊墟設助耕倉鄉人互相則效積穀遂多崇義祠屯田變價應繳銀萬四千兩謙以田爲仁貢十都人士鄉會試費所從出仿三益會法變通之設立章程得銀二萬兩繳價外以其餘增田三頃東鄉道路傾圯橋梁朽壞謙倡議釀金修治之邑徵糧歲輸圖甲舉總催官給之票名曰金花票糧賈買票於圖役役向輪戶訛索名曰大當陋規歲萬兩貧寡之戶傾產

鬻男女以供其求甚有畏累自盡者謙首建言除之胥役以
千金進弗納與邑紳吳景瀛等詣縣陳狀胥役乞哀於官持
不決謙將控諸大府適會望顏自閩藩回籍謙屬致書知縣
陸孫鼎痛言其害弊始革勒碑豐山書院庚子英吉利以禁
煙啟釁姦宄乘之謙告縣集眾於雲衢書院立章程嚴堵禦
東鄉賴以安自是以嚴禁會匪爲先務甲辰己巳三合會匪
煽惑東鄉悉破獲之無有入其黨者丁未戊申西粵賊起蔓
延東省謙知其必及我也先期爲備於是分東鄉爲六局督
鄉團察游匪設總局於邑城之東策賞糧通軍報預應援又
謀於下伽山小隱港三仙閣興築礮臺藩蔽東海咸豐甲寅
秋賊果破港口逼縣城東遷者絡繹不絕夜行亦無戒心謙
召其都人士帥鄉團星馳至營於東門外知縣邱才穎謂東

人激勵有素使登陴時西北江鄉雁行頓刃礮聲殷天而卒無潰志者恃有東鄉爲退保地也謙性嚴而恕事必綜覈而不事矜張與人共事有所可否恒十相往復嘗獲竊賊黃阿瘦察其有悔意釋之黃遂改行並戒其黨嘗告鄉人罪後察其誤自引咎請釋之邑之土民容民素相安同治壬戌秋他邑土客構禍訛言石門客民將爲變人心洶洶謙不爲動廉得其僞榜於通衢事遂已謙歿後其子孫求葬地過石門鄉人曰微爾先人無今日地惟所欲當時訟曲直者咸比之王彥方云官有公事必借謙以信於民而未嘗私至宰室又嘗誠其子曰公事不易爲爾無輕與晚年少有所蓄置數弓地營先廟以其餘地爲屋三楹顏曰過儉草堂置經史萬餘卷及手鈔書數百卷年八十猶燈下作楷凡前言往行時事得

失條記繭牆壁間學宗李安溪主講豐山書院與生徒辨論
必求精確臨歿遺命遵古喪禮不用緇黃著述詳藝文同治
十三年祀鄉賢

鄭達鴻字用儀廩貢生城內人世居濠頭鄉道光甲辰三合
會匪起東鄉附近多爲所惑達鴻聞之詣濠頭邀族人飲曉
以大義皆感泣遂矢於祠廟倡義拒賊時林孝廉謙亦聯絡
大車各鄉互相犄角賊勢遂弛歷任英德歸善訓導興甯東
安教諭卒年六十

劉鏡清字顯揚山谿角人事繼母孝甲辰會匪之亂倡立除
暴安良法行於鄉甲寅會匪復起與楊維岳蕭式儀鄭瑞蘭
林福康連鄉策戰守堵橫欄海使鄉人刈西海晚稻小攬羣
賊遂以乏食事平均獎六品頂戴同治九年卒維岳字毓川

申明亭人事親孝嘗作勸戒十箴訓鄉里同治丁卯年八十有二

賜副榜卒

何言配字脊上小欖人嘗出見婦人攜一兒涕泣欲投水呼問故婦曰夫冤在獄求十金贖不可得不如死言配如數與之子紹元諸生歲歉爲粥以食餓者

何永清何獻清小欖人俱好施與何某貧永清爲其子娶婦李某不能葬其先又爲營窆多獻清生長富家知無不爲營建養生亭於飛駝岡以居貧病者死則施之棺又築石路由寨前卡口達海邊長百餘丈行者德之永清字振旅獻清字陞輝

劉昌桂山谿角人大學生鄉中有善人之目嘗有囚徒索借不滿所欲露刃辱罵旁觀皆憤昌桂溫辭遣之去子兩源性

嚴毅親朋借貸不下千金悉焚其券

張鳳儀字蘊存小檀人歲貢生百歲翁達字子翁惟一子不令夜讀鳳儀每伺父寢篝燈潛誦夜分乃罷五更復起日以爲常翁好施而貧不能常如志鳳儀自補廩後廩餼及束脩悉歸於翁遂得以周窮乏翁有從姪禧存幼孤與寡母居爲族人所陵鳳儀體翁志析已屋居之教之成立妻弟朱潮幼孤族人利其貲眈眈視鳳儀力爲防護得免潮就學於鳳儀家數年得其教訓成進士鳳儀以勤學咯血而左右就養翁不知其有是疾也翁歿哀毀骨立踰年卒三子長文鼎次文彝皆舉人文鼎官信宜訓導以文行勗諸生有被誣者必力爲昭雪賄以多金弗顧

楊雄超字貽榮北山人歷任東山營守備賊據羅定奉委勦

之有功授吳川營都司咸豐初廣西波山艇匪擾梧潯總督徐廣縉往勦檄雄超領兵船堵截長洲時賊舟百餘用木排順流熾火勢猖獗甚雄超身先士卒衝突賊船者三賊披靡大敗之賊平

賞戴花翎擢南澳遊擊署香山協副將升澄海營參將署碣石鎮總兵旋授崖州協副將調署香山協副將未抵任卒任碣石時船戶舊有陋規雄超概爲豁免民德之解任歸餞行者羅拜於道

梁童子大欖人佚其名幼喪父母傭於某薦紳家甲寅紅賊將亂其主與賊謀童子聞而規之曰客言不可從恐禍及主不聽遂辭去語人曰亂將作吾安歸乃飲藥死主後果敗如童子言

劉壽昌大黃圃人武生候選都司性孝友出繼叔父事繼母

及本生父母咸得其歡父病藥必躬煎先嘗始獻居父喪哀毀滅性遇諱日輒嗚咽每事必稟於兄服勞不懈自奉儉約無私財愛諸姪如己子仲兄嘗患目病責少視湯藥遺之不去咸豐辛酉兄家被盜且以抱疾爲所擄壽昌出口是遠之死也請擴我賊義而兩釋之知縣袁英往勘得實賞以孝友可風額

楊雲驤字貽駟北山村人少磊落尙氣節重然諾好施與鰥寡孤獨皆周之北山屬澳門澳久爲夷踞聞雲驤名皆畏服夷酋皆得納交以爲榮咸豐三年總督葉名琛巡撫柏貴札領拖船三百緝捕洋賊盜魁某匿澳恃夷爲固雲驤跡得之夷人相視莫敢誰何澳夷雇華人回國供役曰豬崽狡猾藉爲利陸豐人張炳誘鄉民九十三人航海將至澳眾覺之則皆

走聚銀坑村外餓三日矣雲驤招而食之爲稟知縣得回籍
逆賊劉源踞上海縣爲亂雲驤率拖船援勦扼賊糧道賊困
賂夷人前鋒死戰官軍陸營皆敗進迫水師營雲驤不爲動
伺其至發巨礮擊之折夷酋臂賊爲喪氣官軍乘勢反攻四
年元旦破賊戮劉源遂復上海江蘇巡撫吉爾杭阿保奏奉

旨賞戴藍翎

賜荷囊二以都司用旋補和平

營都司換花翎上海平後旋里適海寇竄起復奉提督吳元
猷總督勞崇光札領拖船捕緝遂不復之官雲驤初出報捐
營千總卽著捕盜聲素悉賊巢穴形勢夷人又樂爲用故捕
無不獲賊聞風多斂跡計二十年中獲賊渠十五名賊黨三
千六百餘名賊船六百餘艘勞文毅公崇光曾文正公國藩
皆重其能贈以懸額曰公忠體國曰正直無瑕曰四知衍澤

云

劉元貞字正而東門人性孝友親出必隨家貧以脩脯供甘旨十九補諸生爲文恥徇時尚年近五旬中咸豐元年

恩科舉人道光間張保投誠大吏撥書院田五頃撥保佃後保子自願退佃當事多異縮元貞毅然捫搗卒以妥協遞年增租七八百金眾議謝之不受也生平辦公事或爲人謀饋以金輒輒然曰是啗我也振手去之咸豐甲寅紅賊攻邑城上關張家邊象角濠涌等處有警元貞躬督戰曉以大義聞者感奮洗瓊開克復港口元貞出貲犒之軍功加內閣中書銜書院董事歷費浮濫元貞集眾核實追償自出貲控之大吏卒能裁撤陋規清釐積弊勒碑院內何其有蜘蛛坦一區眾覬觎之何送青嬰堂當事以坦未成田恐貽累元貞爲受

之曰慈幼安可無資也後築田數頃奉大吏撥入書院漁利者欲翻前案元貞力爭之卒如議邑新進諸生謁學師於執贄外有印卷冊金一款多寡無定士皆苦之元貞爲設局簞資新進一人代送二十兩著爲定章詳學制士無貧富均受其惠典史某擇肥而噬以事誣陳某入獄又孫某爲武弁誤擒至省元貞皆爲額大吏雪其冤南鄉諸小姓與鄭姓爭社學地欲延元貞爲師元貞知其必啟釁也婉辭之後卒械鬪連年始息元貞遇事義形於色不畏強禦事竟未嘗伐其勞故士論多之俱同上

黃毓俊字邦獻黃梁都荔枝山鄉人附貢生家貧力學工舉業從同邑曾望顏林謙南海何文綺順德何惠羣遊皆器重之性孝友幼執親喪如成人兄毓傑中年無子爲買妾卒不

青病率子弟服事惟謹將死以次子槐森嗣焉祖祠有祭田
入學者資之毓俊與從子桂森子德森槐森相繼遊於庠乃
率子姪捐所得田爲公產祭田獲鹽客稅恤而遇事奮發
勇於排難咸豐四年紅賊竊發黃梁都爲鄉九十有奇眾爲
賊所惑幾成盜藪毓俊乃集諸鄉立約法議團練互相應援
有倡亂者共治之眾窮無所歸乃縛渠魁首諸官且願具罰
緩毓俊請於官以罰緩建鳳岡鄉學盜風漸息六年姦宄以
前志不得逞欲尋仇因以爲亂倡言客民有異志且要奪以
激其變父老莫之禁毓俊爲諭以情理利害皆怵服而散土
客遂安其行事多類此卒年六十一以子槐森官御史 贈

贈如其官見封廕

採訪冊參行狀及
沈桂芬撰墓誌

劉福疇字翼之龍聚環鄉人縣學生篤行寡言未嘗有所臧

否而遇事則剖決嶄然家貧課徒養親鄉族多所造就性簡
淡恥美衣食逐聲利地方事不苟涉顧喜究心世務習韜鈴
著有左略輯孫子疏證軍門集黜異贅談若干種採訪冊
郭進財庫涌村陳渭占僕渭占死家貧甚進財乃出傭取值
養主婦且爲主婦豫喪葬賢無私蓄不娶妻族人義之歿葬
渭占墓側

何曰愈字子持文明子少隨文明宦河南好學能文尤留心
兵事兩應順天鄉試不售援捐例爲州吏目嘉慶二十一年
分發四川署江縣典史蓬州吏目道光五年補會理州吏
目州地夷漢雜處素稱難治曰愈廉以律已恕以待人民愛
戴之州有獄不獲訊即服慄吏殺漢民知州命曰愈代驗
上官介紳獻金乞無驗而以自戕報曰愈叱去之單騎馳往

土官以兵來迎曰愈不爲動驗得殺傷報上官土官嘆曰愈謂索賄不得故枉法上官廉得實杖土官而黜之成都府知府南豐劉衡循吏也聞其事與語甚歡由是曰愈名大著任滿兼獲鄰境盜送部引見稍陞知縣返四川上官命主西臧察木多糧臺調署西臧糧臺故事糧臺官見達賴喇嘛膜拜達賴坐受曰愈長揖不拜曰達賴雖尊貴可踞見天朝吏乎達賴笑握手延之坐曰君有根器人也咸豐元年補岳池縣知縣縣人有僧爲山東兵備道者恃勢驕橫初見卽有所請託曰愈正色拒之豪強多不敢逞縣以大治時長髮賊擾湖北曰愈曰寇氣雖遠不可無備乃修城郭庀器械練團眾曰愈去官後漢寇圍縣城幾陷後任官得曰愈所製礮礮火藥城守遂堅論者以方張孟談之治晉陽也三年署屏山

縣知縣縣素受夷患曰愈建碉堡造火器每聞警輒自出擊之又以計擒斬數十夷並除奸民之爲夷謀者賊遂不敢復出是年丁母憂以盜賊塞路不能歸甯遠府猺夷焚掠冕甯鹽源西昌諸縣上官以曰愈習悉夷情命參總兵占泰軍事至營知縣以民變求發兵曰愈輕騎往視之眾譁於縣門外問之則曰被猺夷焚掠無以自活因與知縣謀給以飲食棲以廬舍告之曰爾平日欺夷如鹿豕據其地沒其租稱貸則重息以剝之夷憤極而成此禍也乃請於總兵得兵五百人又募勇三百人搗夷巢斬數十級餘皆遁兵旋夷尾其後復伏巨礮擊之皆潰是役也以數百人破夷眾數千越巂之夷凡十七支聞之皆懼乞降且請漢人復業無食者貸以粟無屋者贈以材木曰愈告民曰彼夷尙有天良也今後宜相安

民皆悅與夷約法十二章歃血盟夷患遂息事甫定滇寇韓登鸞聚眾數千人入會理言與回民之居洶洶者有夙讎將報之回人意州人與寇通焚民居上官命曰愈率兵往至則人心惶然言奸細伏城內曰愈下令毋開城門三日後大索容奸細者斬越三日士民上謁言奸細遁矣乃爲榜文諭登鸞使釋怨登鸞不可曰愈爲二營以逼之又揚言使土兵及民團左右攻而自率官軍搗其中回民襲其後登鸞懼而散時回人尙聚洶洶曰愈恐其久而生變復爲手諭以誠回人回人曰道光十六年拔砂水災田廬皆沒河溜急不得渡何公策馬率數百人負米賑我又爲我疏河道除水患至今戴公德不忘今有諭當各遵守之違者共誅之事既定會有攘功者大吏亦他遷功遂不敘曰愈不計也同治元年子璟官

安徽廬鳳道遂去官就養迨璟遷鄂藩護撫事乃歸里十一年卒於家年八十著有玉帳狐腋諸書見藝文曰愈氣體雄偉議論風發熟諳天下形勢喜語諸戰守事見義勇赴不計禍福意所不可雖上官不爲屈時兵事方劇屢上書當道陳方略洋洋數千言然卒不能用所決疑獄蜀人驚爲神明或以其事附會爲小說而曰愈以爲此牧令分內事不自言也子五人璟由翰林歷官至閩浙總督

封贈如其官見

封廕

何贊清字槩臣附貢生祖端珣自有傳贊清孝友端潔侍父洪緒疾衣不解帶者數月母徐氏盧氏年少無所出奉之終身惟謹叔父嘉緒重其賢臨終呼至前與以五百金及田二十餘畝贊清請分與諸兄弟不從卒婉辭之少卽以維持

風化爲已任格言至論輒手錄之輕財好施凡有益於人者靡不爲咸豐四年紅賊四起邑中戒嚴時曾望顏由國藩罷官里居奉 召入都特舉林孝廉謙及贊清綜理防務

贊清乃與知縣邱才穎議團練修礮臺水柵捐金爲倡時賊已破小欖七月十五日陷港口居民遷徙人心惶然贊清與

才穎坐公局籌畫戰守用邑人楊大觀議沈龍鳳船於牛口

海激厲張溪員峯兩鄉練勇蛋民奮力助戰復出家貲犒軍

危城獲全

事詳紀事

事平議敘藍翎候選訓導邑中棺木行商載

木入口向無稅關吏阻之眾驚罷市贊清言之知縣楊鉞詳

請大吏獲免諸商醵金爲壽謝之去烏石鄉與諸鄉械鬪經

年大吏檄前縣袁英往諭英請贊清與俱至則招紳耆爲剖

析利害皆悅服事遂解營兵至西鄉捕盜誤傷鄉民鄉民與

之角營弁以拒捕報協鎮增兵分水陸馳進鄉民亦伏礮待
幾激變贊清知其情告協鎮亟撤兵回卒無事其保全桑梓
多類此知縣聞其名下車必先禮之知無不言有於邑之石
岐增設釐卡者民苦之知縣及委官詢之贊清贊清力陳其
弊遂寢不行贊清歿後卒置卡其地商民至今思之不置生
平視公事如已事爲人謀率出贊助之家本素封以是中落
袁英知其貧去任贈金千不受及權守潮州邀之往胥吏以
金三千進復不受託故歸前後却戚友商民餽遺至萬餘金
江督曾文正公國藩巡撫丁日昌屢招之以生母陳年高不
出性和易善彈琴暇則召弟姪子女焚香操縵翛然有柳世
隆風琴師湖北彭燮堂挈妻子至粵淪落贊清館之死復恤
其家卒年六十三著有學宮禮樂圖四卷琴譜大成五卷

聖諭像解贊二卷總督瑞麟曾刷印二千本分布潮州

府屬云

鄭迺康字晉蕃自號直卿邑東濠頭鄉人慷慨好義無詭語夙怨與人處意豁如也少學賈數奇恆折閱而人之遺欠亦甚巨迺康慨然曰彼負債以貧故耳追之傷情舉簿籍盡燬之有孟嘗焚券之風咸豐初粵西盜起流踞金陵海內騷動粵東且岌岌邑東爲鄉九十有餘水陸袤延各數十里濠頭居其要衝歲癸丑大車鄉林孝廉謙倡辦東鄉團練互相守望迺康竭力贊成之越年鄰境先後城破我邑危而獲安則以城邑及環縣界鄉先事預防之力也事平家居鄉人以事求排解者坐上恆滿無不苦口竭誠爲之解息而後已卒年七十有七談者每流涕焉以子藻如貴累贈通奉大夫

何展鵬字鵬飛小欖人族以勲閥顯展鵬幼承家學負奇志
稍長習騎射有神力數奇屢蹟文武試俗重士輕農道光二
十四年會彙茲蔓展鵬洽比田間曉諭利害族黨相戒無從
匪者張斗之變駐防官潘慶散脅殲集展鵬默運機宜事平
拔外委補千總隨征西省調江南以母老病未赴寇日亟展
鵬先期來城與邑紳何贊清等籌防勦賊豐五年都紳何瑞
丹等擒賊復小欖展鵬商之瑞丹集萬金脩水口九閘東西
海遂免水患是役也瑞丹倡築大園先任艱鉅都人尤嘉展
鵬繼起之功焉同治初元展鵬二子以武科連捷進士鄉族
釀金演劇藉酬勞勩展鵬倍益已貴移脩普濟橋第一埭石
路初縣營懲匪鄉祠多以株累封展鵬偕贊清言於後任袁
英事得白其遇事竭誠保全桑梓如此庭訓嚴而有法故能

移孝作忠頡頏勛名長子長榮由侍衛宦黔川次長清轉軍功官鄂興縣歷寧國展鵬得受

封誥云

俱同上

陳子清字季腴籍順德徙員峰家基貧幼隨曾望顏同攻苦望顏歿後二紀丙午子清始舉於鄉丙辰挑教諭不就銓僑居邑城操履狷潔以書畫贍樂道忘勢邑令楊鉞楊先榮嘗屏跡徒步清談竟日鄭藻如持節歸不敢徑餽以金既歿代償夙債曰毋以是累清德易簀時有郵至禱券者值百金隱其名莫辨爲誰員峰接蓮芴清淑之氣望顏剛介嚴毅子清貞不絕俗和不失身雖仕隱分途能自立不苟徇道同故也同時以耿介聞鄭廷培巫贊勛羅蕙朋俱附貢各善書畫蕙朋嘗及子清門子清晚年道益高脩然物外書畫爲世寶貴詩趣蕭閒簡遠如其人著證真畫齋詩鈔邑人劉燾芬梓

之以傳

續芬序畧曰瓊壺先生志尚高雅安貧樂道詩不多作而出口元妙嘗言少年多風流跌宕之作老而悔

之刪削殆盡今所傳者寄意於畫爲多清而不枯澹而實腴其人性情品概皆絕出流俗而後乃得蕭閒無遠之詩是集

也在詩家爲正軌在國朝爲別調誠足補漁洋秋谷仲則輩滿太鴻諸家所未及於虞詩如其人顧豈不信光緒五年

己卯秋

補輯增列傳末

謹按本志成於光緒己卯時子清尙健在而詩集已

採入藝文且與榕塘並列詩隱盡隱洵足風世子清

春日言懷云精能古所嘉疏懶俗所戒我懶轉見容

簡曠混流輩士習巧營私奔競今爲最邱園義昭然

疏懶近高介自幸何足云世趨所關大安得古名賢

醇和挽風會噫成子清之高者有兩賢令宜有是傳

梁武章字開亮蔡村人甫冠充香山協營兵咸豐三年五月
隨水師赴閩勦匪十月克復廈門補外委四年二月隨遊擊
陳國泰勦匪江南七月十八夜擊賊懸龍洲獲刳船四擒賊
王有興等七名二十四日擒賊夏基倫等式名於五敦八月
初十日擒賊楊殿奎等十六名於土橋九月二十六日擒賊
胡美耀於高資十月初六日擊賊沙漫洲獲木筏二擒賊李
得名等十五名 賞六品頂戴五年二月十九日擊賊鮎魚
套口焚木筏二奏補儘先把總二十七日擊賊土橋焚木筏
二親擒偽將鄭天桂等十五名六年十一月二十一日登岸
擊斃百餘賊於瓜洲獲礮械黃旗甚夥七年三月奉 旨
賞戴藍翎十一月十二夜擒瓜洲賊八十七名獲船械槍礮
黃旗百餘件礮彈火藥數十担克復瓜洲補儘先千總八年

八月二十四日陸戰七里洲斃黃旗賊目一梟髮賊二奪旗械多件二十七日賊刦數十艘突出九祇洲直撲水營武章親轟巨礮擊沈賊刦甚多隨乘舢板督追獲賊刦二溺斃數十賊生擒悍賊孫文向獲巨礮擡槍藥彈無數詰朝獲僞指揮黃葉新等二名十年正月初八日會攻九祇洲鏖戰兩晝夜初十日復之奏補儘先守備隨加都司銜十一年九月初七日 賞換花翎同治元年五月初旬擊賊燕子磯觀音門獲黃旗巨礮槍械甚多是月揚防肅清六月十九日 諭免補都司以遊擊儘先補用二年正月回粵歸標候補九年秋委署碣石鎮左營遊擊革陋規賑貧民勤緝捕購線連獲拒捕陳阿宅莊獨目石等盜賊衰息行旅賴安去官日宦囊

蕭然送牌繳錦帳者延及鄰境

梁氏族譜